

tus id. mart. ad urbem rediit : eique est universa civitas gratulata . Attulit is ab Admete Bajasetis duce literas ad Senatum , cum mandatis , ut si bello , quod inter ipsos & Bajasetem vigeat , vellent finem imponere , mitterent Byzantium aliquem ad pacis conditiones tractandas : ei se adiutorem futurum .

Interea Cæsarem Alexandri filium augendi regni cupiditas magnum in scelus & prodicionem impulit . Nam cum Guidi Ubaldi Metaurenium ducis regnum , quod unum ei deerat ad omnem Flaminiam obtinendam , propter mirificum populorum in illum amorem aggredi aperto bello non auderet , neque Venetos sibi permissuros ut illum expelleret , arbitraretur , neque ullam haberet suscipiendi belli causam , Guido Ubaldo omnibus in patrem suum obsequiis , in se officiis benivolentissimi conjunctissimique hominis plane functo : velle se bellum Camertibus inferre simulavit , ut ad fines Urbinatum , qua iter erat ei faciendum , sine Guidi Ubaldi suspicione , tanquam alio tendens , cum exercitu accederet . atque , ut bono se in illum esse animo fidem ei majorem faceret , & suis eum opibus exueret , ne tueri se se posset communitior , a Guido Ubaldo , ut auxiliares ad id bellum copias cum tormentis muralibus ad se mitteret , pro amicitiae jure per legatos postulavit . lis impetratis , atque missis , cum ad fines regni venisset , repente in illos hostiliter irrupit , & magna celeritate adhibita , quod neminem obvium habebat , Urbinum contendit , parumque abfuit , quin Guidum ipsum Ubaldum caperet . Sed is paucarum horarum beneficio , in jumentis agricolarum , & veste rustica , itineribus deviis , quod omnia nota loca per Cæsaris milites obsessa tenebantur , fugiens , Ravennam se recepit , atque inde Mantuam est profectus : quam ad urbem paulo ante uxore ejus Elisabeta , Francisci Mantuanorum ducis soror , pudicissima lectissimaque se contulerat ; cum officii causa Alexandri postulatu Lucretiae Borgiae ad maritum proficiscenti comes itineris fuisset . Ea re permotis Patribus , equites quingenti , pedites mil-

*Guidus Ubaldus Cæsaris Borgiae fraude Urbino pubes .*